

太湖備考卷八

人物

列傳創自遷史所分著者無多後來作史作志者
皆宗之具區志則概從分著二字之褒果能彙括
其人之生平乎今倣蘇州府新志例分記以山簷
次以時不別紛列名目惟流寓另著總附於後非
山所產故不分記

元

王鵬字九萬博洽經史隱居于山之北葉伯昂嘗從學焉至正間徵之不起著有緱山集

震澤編

明

葉顥字伯昂父國英倜儻好結納名士儒學提舉李祈國子助教字文諒並主其家故顥學有根柢尤長於詩元季中浙江行省鄉試署和靖書院山長不愜所蘊挾策走燕京會天下亂流落濠亳間比歸而家室蕩然故人耿炳文以討張士誠功封長興侯遣人招顥欲薦於朝顥曰時去志違母庸是爲也乃益放情詩酒佯狂自恣竟客死長興

府志

賀廉字以清邃於易永樂癸卯中京闈第二選授連江縣訓導陞代府紀善爲人簡嚴以直忤時故官不達終福建按察司知事家居以經義教授多所造就吳中易學之盛皆其淵源

府志

吳惠字蓋仁宣德丁未進士山人登第自惠始授行人奉使占城涉海遇颶風同行者倉皇莫措惠神色自若爲文祭禱風頓息使還擢桂林知府時義寧峒蠻結湘苗煽亂臺司議進兵討之惠請先招諭乃單車親撫其峒開誠慰撫蠻遂服武岡州盜起宣言推義寧峒主爲帥義寧蠻畏惠其主楊文伯等出自訴

盜計遂解修仁荔浦猺獞數剽掠道梗惠名諭以威
福自是不爲害在桂林十年陞廣東叅政惠性慷慨
遇事敢爲居官三十年田廬不改其舊家居惟飲酒
賦詩子懷字鳴翰風流俊逸詩文清麗尤工小楷府志
施槃字宗銘本姓吳祖贅於施仍其姓正統戊午己未
連捷廷試第一授翰林院修撰時年二十三旣入翰
林日讀中秘書力學篤行爲楊溥所重踰年卒天下
傷之槃早喪母事繼母無間言少年取高第遇鄉先
輩言若不出口人以此多之門人私謚曰莊僖先生

無子以弟之子鳳爲嗣

府志志合泰

吳承宗字宗振其先自蜀徙吳父公宣學行爲三吳先
進承宗隱居教授博學多聞尤通五行家言孫恩字
其榮成化四年舉鄉試第一早卒

舊府志

王朝用名琬以字行敦行篤學累試不偶以貢授光化
縣知縣自劇賊劉石之亂流民盡遁竄山谷臺使慮
生變欲焚林誅逐琬設法招徠生全無算又擇民壯
習技勇爲守禦備昭示境敕寧會子鑿登第遂致仕歸
膺封典年八十五

縣志

陸俊字伯良狀貌奇口行事多迂迂然好義任俠其家
先爲馬甲深悉其字嘗草疏擬叩闕大意謂南人習

壯人習馬南人爲馬甲太宗權時之制也宜令南
壯各復其舊吳下官田稅十民田稅一均之則國用
不虧而民不困錢久不鑄且竭宜復五銖錢備一代
之制鹽法急盜滋多弛其禁盜自息其書數千言屢
易稿無間寒暑行坐寢食得一字即起易之陳於當
道若不聞乃榜之通衢人皆笑之其後馬甲得除田
賦得均言者實採其說年八十四卒子奎醇謹孝友
亦年八十一而終

懸

賀元忠字澤民庶子成化壬辰進士授行人擢御史巡
視漕河歷廣西河南僉事補雲南副使備兵金齒時

木邦孟養舉兵相攻累歲不解元忠躬冒瘴癘往諭
朝廷威德事且就緒以病乞歸滇人醵金以贐悉不
受諸蠻爲作却金亭山人朱鳳章有詩云吏勩如公
著汗青空山誰勒使君銘辭金又復同楊震留取乾
坤一草亭元忠執撻堅定面目嚴冷在臺時獨持紀
綱嘗言吾知有國法不知有他里居二十四年敝衣
惡食終其身卒年七十八子泰字志同弘治己未進
士官御史時武宗收京師無賴及宦官廝養爲義子
一日而賜國姓者百二十七人泰抗言其非帝怒予
杖罷歸後起南京刑部郎中累遷至廣東叅議致仕

歸府志卷五 徵集

王鏊字濟之號守谿朝用子少遊府學成化甲午乙未鄉會俱第一廷試策不三授編修弘治初遷侍講學士充講官中貴李廣請帝遊西苑鏊講文王不敢盤於遊田反覆規切帝爲動容講罷謂廣曰講官指若曹耳東宮出閣選正人爲宮僚命鏊兼左諭德尋轉少詹擢吏部右侍郎嘗奏陳邊計言昨火篩入寇邊將皆嬰城固守無一人敢當其鋒者臣竊謂今日嬖倖亂政功罪不明委任不專法令不行邊圉空虛此人心所以日懈士氣所以不振也望陛下大奮乾綱時

台大臣詢邊將勇怯有罪必罰有功必賞專主將之
權起致仕尚書秦紘爲總制節制諸邊提督右都御
史史琳坐鎮京營遙爲聲援厚恤沿邊死事之家召
募邊方驍勇之士用間以攜其部曲分兵掩擊出奇
致勝寇必不敢長驅深入從之又言宜倣前代制科
如博學宏詞之類以收異才尋以父憂歸正德元年
起左侍郎與韓文諸大臣請誅劉瑾等八璫事幾定
忽中變夜詔劉瑾掌司禮大學士劉健謝遷相繼罷
內閣止李東陽一人瑾欲引焦芳廷議獨推蓋瑾迫
公論命蓋以本官兼學士與芳同入內閣逾月進戶

部尚書文淵閣大學士明年加少傅兼太子太傅瑾
街尚書韓文必欲殺之又欲以他事中健遷鑒前後
力救得免或惡楊一清於瑾謂築邊太費鑒曰一清
為國脩邊安得以功為罪瑾怒劉大夏逮至京欲坐
以激變土官罪死鑒曰岑猛但遷延不行耳未叛何
名激變時瑾權傾中外然見鑒開誠建言間亦聽從
及焦芳專事始阿瑾橫彌甚毒流縉紳鑒不能救
力求去四年疏三上許之賜璽書乘傳有司給廩隸咸
如故事林居十四年世宗即位遣官存問賜金幣益
輿廩鑒疏謝一講學親政二篇帝優詔報聞官一子

中書舍人嘉靖三年復詔有司存問未幾卒年七十
五訃聞予祭葬贈太傅諡文恪鑒博學有識鑒文章
爾雅議論明暢嘗作明理克己二箴以自砥礪晚又
著性善論王守仁見之曰王公深造世未能盡也少
善制舉義後數典鄉試程文魁一代取士尚經術險
詭者一切屏去弘正間文體爲之一變季子延陵字
子永蔭中書舍人兩奉命封藩贈遺一無所受尋以
養母告歸爲人溫厚醇謹舉動一稟家訓與名流相
唱和有春社編王中舍集

明史蔡其區志

王銘字警之文恪鑒兄少隨父任光化歸山後絕跡城

市號曰安隱弟銓字秉之選杭州府經歷不赴文煥
製詞以贈有輸與伊人一着高之句因顏其堂曰遂
高所著有夢草集四卷皆與兄倡和作也

具區志

施鳳字鳴陽脩撰槃姪勤誦讀能文章倪文僖爲南京
禮部尚書以所業征見文僖驚焉爲介於陳御史直
夫直夫喜曰從吾遊者多矣好古不同流俗惟鳴陽
一人鳳益潛心理學歸吳提學御史戴珊敦遣入試
以病辭錢學士溥以經明行脩薦亦不就於墓所授
徒闢園鑿池養魚稭樹食貧礪行不以千人孝友恭
慎家人輩皆化之初鄉有狂悖數犯鳳鳳不校益厚

之其人卒悔改晚搆一亭於松竹間客至相與宴飲
怡然終日王鏊爲作東岡高士傳

府志

嚴經字道卿少習賈先達賀元忠一見竒之挈遊京師
淬勵學問弘治丙辰成進士授南京刑部主事歷貢
外郎中見事明決擢知吉安府丁憂歸補彰德府頻
歲荒旱民多流亡經徧禱羣望雨隨車至又發廩賑
給逃徙復業郡有疑獄歷二守不能決經至立剖人
頌神明藩府以宴餽女樂峻却之自是藩王以下皆
敬憚歛跡時流賊狍狷所至殘破經修埤繕甲賊不
敢犯績最當遷會掌銓曹某向過彰德憾經無餽遺

故抑之俄以病致仕歸六年而卒孫果字毅之能詩
文著有天隱子集

府志

吳應張字希關明達有幹畧吳中賦役不均久爲民困
值知府王儀倡均平之議檄下諸州縣邑令周寵委
應張踏勘應張躬履畝畝分別上下并查匿漏飛派
有租無稅者悉錄以獻分輕重則均輸協辦國課不
虧而民困除又糧長最苦差解輸當者無不破家應
張以公田之策上知縣宋儀望通區派出千金置義
田入租以資賦長至今蒙其利年七十二而卒

縣志

張本字斯植晬而失恃鞠於祖母劉教以孝弟節義

事即能領解長習舉子業屢試不偶乃棄去學古

辭於王文恪公時公以少傅家居主握文柄慎許可
獨本當公意嘗讀書福濟觀為道士賦九月梅花詩
都太僕穆見之歎賞遂造問定交賦詩投贈一時如
文內翰徵明陸黃門粲彭徵君年黃徵君姬水其相
推重名重吳中自號忘機野老又稱五湖漫士所著
有五湖漫聞五湖漫稿

縣志叅足徵集

黃訓字季行正德庚午舉人會試不第例入國子監肄
業乃專力典籍自六經以及諸史百氏無不會通甲
戌成進士試吏部冢宰楊一清覽其文奇之擢第一

當授京職訓名南京以便養不許選兵科給事中未
幾病卒年僅三十三訓才高意廣爲文奇偉宏壯風
格不凡頗類其爲人在兵垣時有武弁覬千金却之
旣嬰疾并復攜金至訓厲聲叱曰吾即死豈以是汚
耶其剛介有如此

縣志

朱良佑字太和好爲人解紛排難有魯仲連之風開酤
坊於金陵與賢豪者遊揮金結納友朋緩急恒恃以
無恐時海忠介公瑞爲南都御史鐵面霜威鋤擊豪
強不少貸聞良佑名嘗微行過其酤坊目之意釋後
復夜至問主人能飲乎曰能能奕乎曰能遂坐斗室

飲奕達旦諮以時事具以所見聞對自是海公心契
朱山人矣海公卒官良佑往哭弔之以詩曰批鱗直
奪比干志苦節還同孤竹清龍隱海天雲萬里鶴歸
華表月三更蕭條棺外無餘物冷落靈前有菜羹說
與傍人渾不信山人親見淚如傾都人士爭相傳誦
以爲寶錄詩載國史海公居官崕岬過峻同列不無
忤嫉者身後無嗣櫬莫能還閭閻好義之士雖欲購
莫敢先良佑義形於色大言於衆曰有官如此忍使
其骸骨不歸故土乎乃置櫬中衢首以百金投焉人
爭趨之三日得五百餘金良佑治裝扶櫬歸葬於墳